

Universitätsbibliothek Paderborn

R. P. Richardi Arsdekin Soc. Jesu Sac. Theol. Professoris Theologia Tripartita Universa

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Argumentum 2. Ecclesia Christi est antiqua, omnes modernæ sectæ sunt
novæ.

urn:nbn:de:hbz:466:1-38447

Hujus successione defecitus *Anglia* Ministros gravissime remordet, qui sibi postulati de legitima ordinatione *Parkeri*, qui primus post hæresim tanquam Archiepiscopus Cantuariensis Sedem occupavit, nec testes, nec tabulas, nec illum derivati à Christo Ordinis, aut potestatis judicium legitimum unquam proferre portuerunt.

VIII. Quorum unus haud ita pridem quasi collabent Ecclesiæ humeros suppositurus, non antiquas tabulas, sed novas fabulas evulgavit, de *Parkeri* in quadam taberna per aliquos Romanæ Ecclesiæ Episcopos in Praefilium conferato. Sed non defuit author Catholicus, Dublimentiis nuper Praeful illustrissimus, qui calamo suâ eruditione digno commentum illud aperte dissolvit, & ad vivum refecit, uti attingemus infra tra. 3. c. ult.

ARGUMENTUM II.

Ecclesia Christi est antiqua, omnes modernæ Sectæ sunt nova.

IX. Ecclesia Christi est antiqua, quia ab annis plus quam mille & sexcentis a Christo fundata est, & sic in omne tempus futurum stabilita, ut promiserit portas inferi contra eam nunquam prevalituras. Sed Ecclesia Lutheri & Calvini est nova; Ergo haec non potest esse vera Christi Ecclesia. Minor clare probatur. Quia possumus assignare ipsum locum, & tempus, quo recenter exorta est hæresis Lutherana, ante centum circiter annos, tempore Caroli V. Imperatoris, & Leonis X. Pontificis; & ostendere primum ejus authorem Martinum Lutherum, qui post quindecim saecula à constituta Christi Ecclesia comparuit, & ab antiqua Ecclesia sponte defecit, & Sectam Lutheranam, de qua nihil unquam ante auditum fuit, in Germania inchoavit. Sed haec sunt manifesta novitatis indicia, quæ aperte demonstrant Sectam Lutheranam (& idem est de aliis novis) non posse dici veram Christi Ecclesiam. Repugnat enim illam Sectam, quæ est nova, esse Ecclesiam Christi quæ est antiqua: originem habuisse à Luther postremo seculo, & tamen ante annos mille sexcentos à Christo institutam fuisse.

X. Si dicas, Ecclesiam Lutheranam olim quidem existisse, sed haec tenus per 1500. annos ante Lutherum occulitum & invisibiliter latuisse. Responsio illa per se frivola hoc Dilemmate clare refutatur. Religio Lutherana vel exitit ante Lutherum, vel non exitit. Si ante Lutherum exitit occulta, ut affirmas, non potius esse vera Christi Ecclesia, quæ debuit semper esse visibilis & conspicua, sicut civitas supra montem posita, sicut lucerna, sicut publicum tribunal ad quod jubemur confugere Matth. 18. Si autem noluerit te audire, die Ecclesie; his enim Christus Ecclesiam suam similem esse declaravit. Si vero dicas ante Lutherum non existisse, ergo est Religio novitia, ac proinde non potest esse Religio Christi, quam constat esse antiquam.

XI. Sola itaque supereft Ecclesia Romana, quæ initium Rome sumpsit ab ipso Petro cuius Sedem per suos Successores continuo possidet, cuius recens institutio, aut novus author nullo unquam loco aut tempore post Petrum assignari potest, quæ sunt antiquæ & verae Christi Ecclesiæ manifesta argumenta.

Hoc argumentum approbare coactus est ipse Lutherus, dum Zwingianos recenter emergentes oppu-

gnaret in Epist. ad Ducem Borussiam, & haberet in ejus tom. 2. impresso VVittenberga fol. 362. "Periculum, inquit, & terrible est audire aliquid aut credere contra concors testimonium, fidem, & doctrinam totius sanctæ Christi Ecclesiæ, quæ jam supra mille quingen- ros annos per universum orbem concorditer stant &c. Telum hoc ab antiquitate desumptum, quod fortissimum agnoscit, quis nos videt contra ipsum Lutherum, aliquotque horum temporum Sectarios validissime retorqueri? Quomodo igitur ego salutem eternam, quæ solùm in antiqua Christi Ecclesia obtineri potest, inter novos horum temporum Sectarios sperare potero? Hoc si expendas bene, non poteris male concludere."

ARGUMENTUM III.

Aliæ omnes Sectæ docent Hæreses in primitiva Ecclesia damnatas.

XII. Omnis illa Religio falsa est quæ continet hæreses à Catholica & primitiva Ecclesia olim damnatas. Atqui modernæ Sectæ Lutheri, & Calvini, &c. continent hæreses à Catholica & primitiva Ecclesia olim damnatas. Ergo eorum Religio deberet esse falsa, & primitiva Ecclesia contraria.

XIII. Minor hujus argumenti probatur primò: Quia tamen Lutherus quam Calvinus docet, Bona opera non esse ad salutem necessaria, sed solam fidem sufficere. Atqui haec eadem fuit olim hæresis Simonis Magi, teste antiquissimo S. Irenæo l. 2. cap. 20. & Eunomianorum olim ab Ecclesia damnatorum circa annum Domini 360. teste S. Augustino hæresi 54.

Lutheri, & Calvini Doctrina est, Traditiones esse recipiendas, & solam Scripturam recipiendam. Eadem hæresis à primitiva Ecclesia damnata est in Ario, Nestorio, Eutychete, & Dioscoro, uti patet ex S. Augustin. lib. 1. contra Maximum cap. 2. item ex Synodo 7. actione 1.

Tam Lutherus quam Calvinus negat Sacramentum Poenitentiae, & Confirmationis. Doctrina haec tanquam hæretica in Novarianis olim ab Ecclesia proscripta est, teste antiquissimo Cypriano lib. 4. epist. 2.

Docet Lutherus & Calvinus, Ecclesiam olim visibilem postea periisse, & illam in suo tantum cœtu existere. Fuit haec quoque hæresis Donatistarum contra primitivam Ecclesiam, uti testatur August. lib. de unitate Ecclesie cap. 12.

Afferit uteque, venerationem Reliquiarum, Imaginem Christi, aut Sanctorum esse idolatriam. Idem afferuit Vigilantius hereticus teste Hieronymo, & olim Ieonomachi ab Ecclesia damnati, teste Cedreno & Nicophoro de Ieonomachis.

XIV. Negat uteque cum Lutherus Calvinus, orandum esse pro defunctis, observandum jejunum Quadragestale, aut aliud ab Ecclesia præscriptum. Idem negarunt olim Aëtiani heretici, teste Epiphanio & Augustino de hæresib. cap. 33.

Quid igitur manifestius quam hæreses olim ab Ecclesia Christi damnatas, à Lutheri & Calvini doceri, ac renovari? Et quidem pleraque ante tempora S. Augustini. Cum tamen ipsi fateantur veram & primavam Christi Ecclesiam, quæ eas hæreses damnavit, ab omnibus erroris suspicione immunem fuisse. Illas autem hæreses dum reprobavit, necessario omnes Sectas eandem doctrinam profitentes hæreticas esse declaravit.

C 2 XV. Ex

Aldekin

Theo-
logia

D 11
28